

MOELETSI OA BASOTHO

PARARE DOMINO PLEBEM PERFECTAM



2

**Lekala le theha
setsoalle**

**LDF e hopola
bahale**

7



LHDA LE SUN JV LI

TSIKINYETSA SECHABA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

Follow the link

MOELETSI

Ba mo likile

Lekala le theha
setsoalle le bophatlalatsi

Nthabeleng Seitlheko

Ele ho matlafatsa leeto le ntlafalo ea litaba tsa bohahlauuli kahar'a naha, Lekala la Bonono, Lipapali, Bohahlauuli le Bochaba le ile la tsoarela baphatlalatsi thupelo ho ba hopotsa ka matlotlo a teng a naha ena ao sechaba se lokelang ho a ela hloko. Litaba tsena li bile ka la 30 Phupjane monongoaha.

har'a lekala lena.

O re ba kene leetong le matla la ho khothaletsa botseteli litabeng tsa bohahlauuli, etsoe e le se seng sa lintho tse ka hlahisetsang naha mesebetsi e mengata. O re ha se feela ho kena leetong lena empa ke ho matlafatsa Basotho le ho bona hore boqapi bo eloa hloko kahar'a naha.

E mong oa baphatlalatsi ba bileng thupelong ena, 'Makalimeng Rasethuntša o hlalositse hore litaba tsa bohahlauuli ke qholotso e kholo ho li

hore ba tsetele le bophatlalatsing eseng ba lebele ho bona ba etsa mosebetsi ho se litsiane tse kenang mesebetsing ea bona ho e matlafatsa. O re bophelo ba bophatlalatsi bo itšetlehile lipapatsong, ka lebaka leo ba eloe hloko e le hore le bona ba nolofalloe ke mesebetsi.

O tsoetsepele hore ba lokela hape ho ipapisa le liphetoho tsa sejoale-joale tsa tšebeliso ea marang-marang ho rekisa naha le ho ela hloko boqapi ba bana

Tona-Kholo o sa tsoa behella kathoko Mochochisi e Moholo (DPP), ka le reng o hatile linyeoe hape o shebahala a le leqe ho fana ka taelo ho ba lokelang ho qosoa. Ho bile le maikutlo a 'maloa litabeng tsena, 'me kaofela ha ona a bontša ketso ea Tona-Kholo e le tlolo ea molao. Mokhatlo oa Liakhente Lesotho ke e meng e ntšitseng khalemo mabapi le tsena, 'me o kopile ho kopana le Tona-Kholo kapa moemeli oa hae hang-hang ho buisana ka ntlha ena. Empa haeba a ka iphapanyetsa kopo eo o tla nka likhato tsa molao khahlanong le eena. Lekhotla la Tumelo ea Basotho (YES) le lona le ntse le bua ntho e tsoanang hore Tona-Kholo o tsoa molao tlaase. Le haeba o etsa tsena tsohle ka moea o motle oa ho khalema, empa o tloa Molao-theo oa naha ka lebaka leo sena se ka ba kotsi kaha se sisinya metheo ea puso ea sechaba ka sechaba. DPP ea nkileng ketso eo e se molaong o ile a itlaleha ofising joaloka tloaelo empa a sitoa ho qala tšebetso kaha ho fetotsoe senotlolo sa lemati. Le ha ho le joalo o ntse a emetse karabo ea lengolo leo a le ngoletseng Tona-Kholo mabapi le litaba tsena.

Ekaba Tona-Kholo h'a na baeletsi ba molao ba mothusang ho nka liqeto haholo tse amanang le molao ka kotloloho? DPP o bontša ha Ramolao e Moholo a sa fa Tona-Kholo kahare ho letsoho ho hang, ka lebaka lena o tla tsoa a ntse a lutse setulo seo. Ho feta mona YES e qotsitse karolo ea Molao oa Motheo ea 141(7) e totobatsang hore DPP h'a etsa mosebetsi oa hae, oo a o fuoeng ke Molao oa Motheo a ke ke a laeloa kapa ho laoloe ke mang kapa mang. Ke hore le Lekhotla la Matona feela ha le na matla a ho kena-kenana le mesebetsi oa hae ka tsela efe kapa efe. Batho ba tsebang litaba tsa molao joaloka Ramolao e Moholo na e ka ba h'a li tsebe litaba tsee?

Le hoja Kampani ea Khokelo ea Motlakase Lesotho (LEC) e ntse e khasa kahar'a mathata le litlokotsi, khokelo ea motlakase eona e ntse e tsoelapele. Ea tsoereng molepo e le Letona la Matla o khakotse khokelo ea motlakase Seterekeng sa Botha-Bothe 'me a bontša 'muso o na le morero oa ho hokela Basotho ba bangata motlakase kaha e le tlhoko ea mantlha. Le hoja a buile ka motlakase h'a sia khokelo ea metsi ka mokhoa o tsoanang. Baahi ba sebaka se hokeloang motlakase ba lebohile kannete hobane ba re esale ba ikopanya e se e le lilemo joale ho se nko ho tsoa lemina. Tiehiso ena e bakile liqholotso tse kenyeletsang batho ba qetellang ba nkile lichelete tsa bona. Ka lehlakoreng le leng LEC ka Boto ea eona e bontšitse e tla nyollela basebetsi ka 3% e le ho lokisa sekheo sa meputso se bonahalang se le teng kahare ho bona.

Lekala la Bonono, Lipapali, Bohahlauuli le Bochaba le tsoaretse baphatlalatsi ba litaba 'moka ho buisana ka hore na sechaba se tseba joang ka litaba tsa bohahlauuli le ho li nkela hloohong kaha e le tsa bohlokoa. Sechaba se tseba litaba ka bophatlalatsi ka hona ha bo le lefifing hoa hlaka le ho sona ho joalo, ka lebaka leo ho thusa ho fetisa tsebo ena bophatlalatsi bo lokela ho ba leseling. Bohahlauuli bo hlalosa ke lekala e le e meng ea mekhoe e ka thehang mesebetsi ha feela bo ka sebelisoa hantle ka tsela e lokelang. Baphatlalatsi ba bontša ngongoreho ea bona e le batho ba ikarabellang litabeng tsena, ba hanang ho fana ka lintlha tse hlokalang. Empa tebello ke hore ha e le mona lekala le se le itlisitse, ho tla ba le phetoho phetisetsanong ea molaetsa. 'Nete ke hore boqapi bo ka sebetsoa 'moho le bona bohahlauuli toantšong ea tlhokahalo ea mesebetsi haholo bathong ba bacha. Joalokaha baphatlalatsi ba boletse, ho ka sebelisoa mekhoe ea sejoale-joale ea marang-rang ho bapatsa lihlahisoa tsena. Empa le teng baphatlalatsi ba hopole hore le bona ba hloka ho iphelisa, ka hore ba fuoe lipapatso tseo e leng tsona mohloli oa chelete bophatlalatsing.

MOLIMO A BOLOKE LESOTHO LE BASOTHO



Letona la Bonono, Lipapali, Bohahlauuli le Bochaba, Mohlomphehi Motlatsi Mapelepo o re o bone ho le bohlokoa ho beha bophatlalatsi leseling ka boikarabello ba lekala la habo molemong oa sechaba, se se tli'o thusa ho aha maqahama le bona. A re ba hloka bophatlalatsi bo ikemetseng litabeng tsa bohahlauuli, 'me ba bo bulela mamati ho bona hore ba fihlela litaba tse etsahalang ka-

tlaleha hobane ba ikarabellang ba bonahala ba sa tsoelle baphatlalatsi ho lekana. A re ha bona ba se na tsebo, ka tsela e ts'oanang sechaba le sona se tla e hloka. A re ha ba ahiloe, ba otiloe hantle ba tseba ho utloisisa seo ba lokelang ho se etsa.

O re ho bohlokoa hore leha botseteli bo supitjoa bo tlosoa haholo litabeng tsa bohahlauuli kahar'a naha, se bohlokoa ke

ba Basotho le teng ba se sebelisoa mahala ba lefshoe. O re bothata bo boholo ke hore batho ba na le taba-tabelo ea ho bona hore litaba tsa 'muso li sebetsoa hantle, tse amang Basotho li'a tsebahala empa ha ba lefshoe e le hore lita lenta tsa bona li ba phelise.

Lekala le supile hore ke boikarabello ba lona ho netefatsa hore naha ea Lesotho e ithoma pele litabang tsa bohahlauuli.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesoetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Tsime e hokeloa motlakase



Nthabeleng Seithleko

Ele ho anet-sa phepelo ea motlakase metseng ea tšoereng molepo e le Letona la Matla, Mohlomphe-

hi Mohlomi Moleko o thakhotse phepelo ea motlakase Tsime Butha-Buthe, ka la 28 Phupjane monongoaha.

O hlalositse hore taba-tabelo ea 'muso ke hore ka selemo sa 2030 Lesotho kaofela la be

le e-na le motlakase. A bontša hore ke batho ba 600 milione ba se nang motlakase 'me ba lokela ba be ba hoketse ba 300 milione. A re ho bohlokoa hore sechaba se be le mamello hobane tlhokahalo ea motlakase ke tl-

hoko ea sechaba sohle.

O bontšitse hore kanetso ea motlakase naha ka bophara e tl'o etsoa kaha lekala le se le e-na le morero le mathathamo, ka hona ba ikemiselitse ka matla le 'muso oa habo ho bona hore

kanetso ea metsi le motlakase e ba teng kahar'a sechaba. A re ba tla etela libaka tse latelang; Lihlabeng, Leribe, Ha Raliemere, Mafeteng, Likhutlong, Botha-Bothe, Chooko, Thaba-Tseka, Mpiti-Sekake Refurbishment, Qacha's Nek, le Ha Lesoiti, Maseru.

Lebitsong la sechaba, Mahapa Sefale o re esale sechaba se hula ka thata ho se motlakase ka hona b'a leboha. O re sena se ka thusa hore ba tšoane le sechaba sohle kaha e le khale ba entse boikopanyo hoo batho ba bang ba neng ba se ba hula lichetele tsa bona.

O re khale ba khetha ho se tsoelopele ka hoo ba leboha hore khetho ea bona e ba tsoetse molemo, hobane ba ne ba phela bothateng kahar'a lefifi hoo le masholu a liphoofole a neng a nka monyetla.

Mokhethoa oa Hololo, Lejone Mpotjoane o lebohile 'muso ka khokelo ena ea motlakase ho matlo a 90. O re batho ba lokela ho bona hore mosebetsi o'a phethahala. O re hona joale ke nako ea bophethahatsi eseng lipuo hobane ho tla thusa hore bohle ba une molemo bophelong ba bona.

A re khale sechaba sa moo se le seboko ka tlhokahalo ea motlakase le mebusong e fetileng, empa 'muso o ikemiselitse ho anetsa motlakase hohle hore bohle ba phele hantle ka bolokohi le bophelo bo arabelang lithoko tsa bona.

Mpepuoa e ipiletsa ho bohle

Nthabeleng Seithleko

Kamor'a hore 'Muso oa Lesotho o tšoare 'moka oa bacha o ka thusang ho fenyha tlhokahalo ea mesebetsi, Mokhatlo oa Mpepuoa o kothalelitse mafapha ohle a sechaba ho thusa ho fenyha qholotso ena. Tsena li boletsoe ke Mothehi oa mokhatlo ona, Mothopula Seala 'mokeng oa baphatlalatsi ba litaba ka la 1 Phupu monongoaha.

O re tlhokahalo ea mesebetsi eo e leng tlhoba-boroko kahar'a Basotho e hloka boitlamo bo kopanetsoeng, tlatsetso ea makala le mafapha ohle a sechaba le ho kopanya booko ho fihlela tharollo ea moshoelela. O re ba hloka litaba tse thusang ho kenyeletsa batho bohle mekhatlong e ikemetseng. O re ho hloka hloka ho be le sesiu sa lipalo-palo se tla thusa ho supa litsebo tsa bacha tse teng kahar'a naha, le

ho ela boqapi hloko.

Ba bang ba bacha ba re ba na le tšepo ea hore 'muso o tl'o hlahisa mesebetsi le ho latela maputulo a seng a bonahala. A re ho lokela ho etsoe lifeme tsa lepolanka ho thusoe hore li be teng kaha li tla hira batho ba bangata. O re ba haelloa ke khoebo ka lebaka la lichetele ka hoo ha ba ka nolofalletsoa ho fumana lichetele ba tla tseba ho qala mesebetsi.

Ka lehlakoreng le leng baitšokuli ba sebeletsang haufi le Sekolo se Seholo sa Sechaba (NUL), ba tla

tsoelapele ho sebeletsa libakeng tsa bona kamor'a taelo ea Lekhotla e hanetseng Lefapha la Litsela ho ba tlosa sebakeng seo, ka le reng ba kahare ho meeli ea tsela, 'me ba sitisa ho etsoa ha lintlafatso.

Mookameli oa Mokhatlo oa Baitšokuli Roma, Thabiso Mafoso o re h'a fumana taelo ea Lefapha la Litsela, ba ile ba mathela khotla, ho ea kopa namo hobane mesebetsi e ka holimo ho makholo a mararo e ne e tl'o fela, hoja 'muso o re o letšolong la ho hlahisa

mesebetsi.

Ofisiri ea Liphatlalatso Ofising ea Tona-Kholo, Teboho Sekata e re e tla tseba lipalo-palo tsa bacha ba hiriloeng mesebetsing ka ho fapakana ka har'a makala le mafapha a 'muso ha tšebetso e joalo e phethetsoe.

Leha ho le joalo, o re libakeng tseo ho seng ho hirilo, ke Mosalemane, Tsime Lebatoeng la Hololo Butha-Buthe, Qalabane Mafeteng, le Mohale's Hoek har'a tse ling, 'me mesebetsi e tla ba ea nakoana le ea nako e telele.

Moeletsi oa Basotho
MOELETSI oa BASOTHO

To advertise with us, please contact:
Tell: (+266) 2835 0466
Email: adverts@moeletsiabasotho@gmail.com

@oaBasotho
WhatsApp +266 680 78 124
Moeletsi oa Basotho

1
Sesotho Newspaper in Lesotho

MOELETSI O TŠEHETSA BACHA

Tšeliso Thakholi

Mosebetsi oa ho fetola lithuthuthu hore ebe khoebo eo bacha ba ka tsebang ho iphelisa ka eona, linakong tsa ho feta e ne e sentho e tloaelehileng kahare ho bacha. Lithuthuthu li ne li sebelisoa feela ke batho ba baholo bakeng sa mejao e meholo ea machaba e kahar’a naha. Morao tjena ho bonahala bacha ba fetotse lithuthuthu khoebo eo ka eona ba ka tsebang ho loantša tlala, tlhokahalo ea mesebetsi le bofuma.

Pitso Ntsukunyane ke e mong oa bacha ba fokolang haholo ka palo, motseng oa Lithabaneng toropong e kholo ea Maseru ho hlahla sehlopheng se bitsoang Friends Club ea thehileng khoebo ea lithuthuthu. Pitso o boetse o thehile kampani ea pele ea mofuta oa eona kahare ho naha ea ho ruta batho ho qhoba lithuthuthu e bitsoang Biker Boy Motorcycle Riding School. Kajeno re tliil’o phura leshoetla le eena ka mosebetsi ona oa hae o motle le liqholotso tseo a tobanang le tsona.

QALEHO

Ke qalile pele ke le sepalami sa libaesekele ha ke ntse ke hola, ‘me ha ke tloha moo ke ile ka ba le lehloho-nolo la ho ba kahar’a batho ba baholo ba bahoebi, ba neng ba se ba ntse ba palama lithuthuthu. Ke bona ba ileng ba mpha letsoho kahare ka khoebo, tlhokomelo le paballo ea lithuthuthu. Ke hona moo tlhase ea lerato la lithuthuthu e ileng ea kolla hona teng. Ka selemo sa 2014 ke ha ke qala ho bula khoebo ea lithuthuthu le ho theha kampani ea pele kahar’a naha, e rutang bacha le batho ba baholo ho qhoba lithuthuthu, ho li reka le ho li rekisa e bitsoang Biker Boy Motorcycle Riding School. Mosebetsi ona ke o rata ka pelo eohle ea ka hobane o fetotse bophelo ba ka oa nketsa motho oa bohlokoa sechabeng sa Basotho.

TŠUSUMETSO

Ntho e kholo e ntšusumelitseng hore ke qale khoebo ea mofuta ona ke lerato le tebileng leo ke ratang lithuthuthu ka lona. Ho feta mona e ka sehlohlolong ke



tlhahiso ea mesebetsi molamong oa bacha ba bang, e le hore le bona ba tsebe ho phela. Mosebetsi oa rona oa mantlha ke ho natefisa meketeng e fapakaneng, e ka ba ea manyalo, ea matsatsi a tsoalo, mekete e meholo ea naha le ea boithapollo. Le mafung re ea mengoa ho felehetsa bafu ba rona ka hlomphe e ba lokelang ho ba isa moo ba il’o phomotsoa teng borokong ba ho qetela.

LITSEBO

Ke na le litsebo tse khetheleng tseo ke sa li elang sekolong tsa ho lokisa sethuthuthu, ka lebaka la hobane ke hotse ke rutoa ka sona le ho se rata haholo.

lo. Ke boetse ke ruta bacha ho se palama. Ka lehlakoreng le leng ke thusa bacha ka tataiso ea ho reka lithuthuthu ha ba se ba e-na le tsebo e phethahetseng ka tsona.

LERATO LA MOSEBETSI

Ke mosebetsi oo ke o ratang haholo. Ke ee ke utloe ke sebetsa hamonate ke phutholohile, ‘me ntho eo ke e ratang haholo ka mosebetsi ona, ke sebetsa le bacha bao ke ithutileng hore boholo ba bona ba na le lerato la ho palama lithuthuthu. Taba ena ea hore ke bone bacha ba se ba bona bohlokoa ba lithuthuthu ka lebaka la khothaleto ea ka, e etsa hore ke be motlotlo haholo

ka tšebetso ea ka.

LIKATLEHO LE LIQHOLOTSO

Ke se ke atlehile ho theha kampani e ngolisitsoeng ka molao ea Biker Boy, e rutang bacha ho palama lithuthuthu e leng katleho e kholo bophelong ba ka. E re kaha ho se mosebetsi o se nang liqholotso, etsoe ke karolo ea bophelo ho na le nako eo u tla fumana hore mosebetsi ha o motle, lipalo tseo batho ba tlang sekolong ka tsona li’a fokola. Ka nako e ‘ngoe ba lieha ho lefa.

KHOTHALETSO

Ke khothaletsa bacha hore ba tle koano kampaning ea heso, ke tlo ba ruta mahala

ho palama lithuthuthu kaha re na le lefapha le joalo. Ho feta mona ke boetse ke ba khothaletsa ho itahlela ka setosoana tlhahisong ea mesebetsi e le ho ba thusa ho matlafatsa litalenta tsa bona. Ba tsebe hore ka litalenta tsa bona ba ka tseba ho iphelisa. E kholo ka ho fetisisa ke hore bacha ba ikopanye ka litsebo tseo ba nang le tsona, kaha sena se ka ba thusa ha bonolo ho fumana litšehetso ho tsoa mafapheng a fapakaneng a sechaba. Bacha kea le rata tlohong ka bongata le tl’o ithuta ho palama lithuthuthu le be le ithehele mesebetsi ka tsona.



YES e khalema TK

Nthabeleng Seithleko

Mokhatlo oa Li-akhente Lesotho o ngolletse Tona-Kholo Samuel Matekane lengolo le hlalosang ka ho emisa Mochochisi e Moholo (DPP), Adv. Hlalefang Motinyane, ka mokhoa o seng molaong. Lengolo ke la 3 Phupu monongoaha.

Lengolo lena le nyatsa ketso ena ka matla, le bolela hore ke tlolo ea molao, e kotsi motheong oa puso ea sechaba ka sechaba naheng.

“Re lemohile hore Ofisi ea hau e nkile mehato ea ho emisa DPP mosebetsing.” ho rialo lengolo leo. “Re tlamehile ho bontša matšoenyeho a tebileng le a ipapisitseng le molao ka ketso ena, hobane leha e ka ba e entsoe ka sepheo se setle, e tlola molao ka ho teba 'me e beha kotsing botsitso ba puso ea molao naheng ena.” Le tsoelapele.

Lengolo lena le fihlile matsatsing a mabeli feela kamor'a hore Tona-Kholo a romelle lengolo ho Adv. Motinyane a mo tsebisa hore o beheletsoe ka thoko mosebetsing. Eo o fumane lengolo leo h'a khutla Zambia moo a neng a le kopanong ea selemo le selemo ea baokameli ebile e le Bachochisi ba Linyeoe ba Linaha tsa Afrika (SAHOP).

Mokhatlo o tiisa hore Tona-Kholo h'a na matla a molao ho emisa kapa ho tlosa DPP mosebetsing, 'me e qotsa Karolo ea 141(7) ea Molao-Motheo e hlalosang mokhoa o nepahetseng oa molao mabapi le ketso eo.

Mokhatlo ona oa babuelli ba molao o kopa ho kopana hang-hang le Tona-Kholo kapa moemeli oa hae. O boetse o hlalosa o tl'o nka mehato ea molao haeba Tona-Kholo a ka iphanyetsa litaba tsa bona.

Ho sa le joalo, ho tlalehoa hore Adv. Motinyane h'a ka a lumelloa ho kena ofising h'a fihla mosebetsing, kaha ho tlalehoa hore senotlolo sa ofisi se ile sa fetoloe pele a fihla.

DPP Hlalefang Motinyane o re o ntse a letetse karabo ea Tona-Kholo holim'a lengolo leo a mo ngoletseng lona qetong ea ho mo tlosa setulong seo, 'me o supa molao oo a lokelang ho o latela ha a se a ea le mohopolo o joalo thoko le ho jethemela litaba.

O re ekaba hore Ramolao e Moholo o rahisitse Tona-Kholo tjoto, kapa a



mo eletsa ka lekeke khahlanong le ho mo tataisa ntlheng ea molao, 'me o tla tsoa a ntse a tsorame setulo seo hobane le litaba tsa hae li ntse li le ka makhohleng.

Lengolo la Tona-Kholo ho Motinyane, le ne le re o hatile linyeoe, o lesisitho ho fana ka litaelo tsa ba lokelang ho qosoa le hore o se a laetse Lekala la Lichelete ho lefa 'muelli oa hae nyeoeng e mo tlosang setulong seo bokhothokhotho ba chelete e ka holimo ho M600, 000.00.

Ka lehlakoreng le leng ka la 1 Phupu monongoaha Lekhotla la Tumelo ea Ba-

sotho(YES) le ntšitse polelo e tšoelang ka mathe tlolo eo le e hlalosang e le e mpehali ea molao, ea ho behella ka thoko ho mosebetsi DPP, 'me e re Tona-Kholo e hule lengolo leo hang-hang.

Moetapele oa YES, Molefi Ntšonyane o re lekhotla la habo le boela le makalletse mekhatlo e ikemetseng hoba ho thola ha eona, ho hlalosa hore ketso ena ea Tona-Kholo, leha e bonahala e le tsamaiso feela, ke tlolo e tebileng ea Molao-Motheo 'me e sokela motheo oa puso ea molao, boipuso ba lekhotla le tokoloho ea boramolao ba 'muso.

YES e hopotsa sechaba le Tona-Kholo ka Karolo ea 141(7) ea Molao-Motheo oa Lesotho e reng:

“Ha a ntse a phetha mosebetsi eo a e fuoeng ke Molao-Motheo, Mochochisi oa 'Muso a ke ke a laeloa kapa ho laoloe ke motho kapa sehlopha sefe kapa sefe.”

Polelo ena e tiisa hore DPP h'a lokela ho kena-kenoa ke mopolotiki kapa bo-laoli bofe kapa bofe bo ka holimo ho eena. Molao-Motheo ha o fane ka matla ho Tona-Kholo kapa Lekhotla la Matona hore ba ka emisa kapa ba tlosa DPP mosebetsing ka boikhetheho. Ketso

eo ke tlolo ea molao e kotsi 'me e senya molao.

YES e boetse e mema Mekhatlo ea Sechaba e kang Development for Peace Education (DPE), Lesotho Council of NGOs (LCN) le Lekhotla la Likereke Lesotho (CCL) ho ema ka tieo ho sireletsa puso ea sechaba ka sechaba. A re ho se bue ha bona nakong ena e boima, ho ka hlaloso e le ho inehela kapa ho susumetsoa ke lipolotiki.

YES e phethela ka hore: “Lesotho le ke ke la khutlela mehleng ea matla a Tona-Kholo e sa laoleheng. Tsela ea phetoho ea puso ea sechaba ka sechaba, toka ea 'nete le khotso e ke ke ea senngoa ke liqeto tse seng molaong tsa boetapele ba puso.”



UAT e mesarelong



Nthabeleng Seithleko

Moetapele oa Lekhotla la Bosebeletsi ba Sechaba (UAT), Dr. Mahali Phamotse o re o lahlehetsoe ke motho oa bohlokoa, e leng Pitso Maisa ea timetseng mafelong a beke e fetileng, 'me sena o hlalosa se mo rahile maling a mpa hobane lekuka la likeletso ho lekhotla la habo le pjtathile. O boletse tse-na, puisanong le Koranta ka la 2 Phupu monongoaha.

O re Mookameli oa Komiti ea UAT e reretsoeng ho hokahanya likomiti tsa naha le ho li thakela ka malebela, o hlokahtse kamor'a bokulo

ba nako e khutšoanyane. O re ho ba pel'a Maisa, ba bangata ba ne ba hloma hore ke eena motlatsi oa moetapele, ho latela ho ithukhubetsa ha hae ka matla mosebetsing oa lekhotla, 'me o tla hopoloe ka ho ba letona lipusong tse fetileng.

O bontšitse ha tahlehelo ena e siile sekheo se sehlo seo a nahanang hore ha ho bonolo hore se ka koaloe ke mang kapa mang. O re lekhotla la habo le saretsoe hobane litsebo tsa eo li ne li le matla.

Raliphatlatso oa UAT, Francis Ramosetle puisanong le koranta ena o hlalositse hore Doer Pitso Maisa kamoo ba bitsoang ka teng mokheng oa habo ebile setho sa UAT se matla haholo se neng se utloisisa boikarabello ba sona kahar'a lekhotla. O re o ne a tšoare ka matla kholong ea lona le ntlafalolong ea lona 'me seo se etsa hore kholo e be e ntlafetseng hobane lipolotiki li tsamaea le lera-to, boitelo le boiphapanyo har'a tse ngata.

O re eo o siha lefatše e le Presidente ea National Affiliate Committe kahar'a lek-

hotla 'me ke motho ea neng a fana ka likeletso le tataiso esita le ho supa tsela. O ne a tsejoa ka ho emela 'nete le botsitso lipolotiking a sa lumele ho fetoloe maikutlong a hae.

Tahlehelo ea hae ke lerumo le hlabileng habohloko pelong ea Moetapele esita le ho litho ka kakaretso hobane boholo ba nako o na bonahala a lula a le teng mosebetsing ea Moetapele e ntse e le ho fana ka tšehetso leho phetha boikarabello ba hae e le Mookameli oa Komiti.

Mazenod PRINTING WORKS (Pty) Ltd
57396597
28 350 815
28 350 466
lesaoanat@gmail.com

Scan me

U se u ka fumana
Lifela Tsa Bakriste
ho marangrang a
boletsoeng ka tlase.

Get the Akello app on Play Store, App Store, or Huawei App Gallery for Mazenod books and more. Download now!

https://library.akello.co/downloads

akello

DBAL e'a ananeloa



Nthabeleng Seithleko

Ke hlahile ke tsoana le batho bohle empa bokooa ba mphumana tseleng, ka hona ke khothaletsa hore motho e mong le e mong a inke a e-na le bokooa hobane seo se tla mo thusa ho ikamohe-la nakong eo a tobanang le liqholotso tsa bophelo. Litaba tsena li boletsoe ke Patso Sekhonyana, moahi oa Ha Masana, moketeng oa thakholo ea Mokhatlo oa Batho ba nang le Bokooa ba Pono le Puo (DBAL) ka la 1 Phupu monongoaha.

Sekhonyana ea lilemo li 80 o itse a ne a sebet-sa merafong moo a neng a oeloe ke tafole eaba o ameha kutlo, eare a se a tlohetse mosebetsi oo a fumana kotsi ea koloi moo a neng a be le maebe a mabe, moo a neng a amehe pono 'me lingaka tsa mo bolella hore a ke ke a hlola a bona ho hang. O re ho tloha ka nako eo o phela ka thata hobane le batho ba bang ba nka monyetla ka ho hloka pono ha hae.

Mothehi oa DBAL Likopo Mokhoromeng o hlalositse hore mokhatlo ona ke lekhatlo la pele o ba teng kahar'a naha, hobane ho ile ha bonahala qholotso ea hore ha leeto le ntse le tsamaea ho se ho e-na le batho ba nang le bokooa ba pono le puo 'me taba ena e bile bolutu ba nako

e telele.

O re o ile a ikeletsa ho theha mokhatlo e le hore le litokelo tsa mofuta oo

oa batho li tsebe ho eloa hloko naha ka bophara, le hore batho ba eelloe hore ehlile ke qholotso hore batho ba be le bokooa ba mofuta e 'meli ka nako e le 'ngoe. O re batho bohle ba lokela ho hlonepha litokelo tsa batho ba nang le bokooa le ho ela hloko hore ke karolo ea sechaba e lokelang ho fuoa menyetla e tsoanang le ea batho bohle joaloka mesebetsi.

Keketso Mangope ho hlaha Mokhatlong oa Batho ba nang le Bokooa ba Pono (LNIVIP) o bontšitse ha mokhatlo ona o tlo ba thusa hore litokelo tsa mekhahlelo eohle ea batho ba nang le bokooa li hlokomele. O re ho na le batho ba nang le bokooa

ba pono ba sa boneng ho hang, ba bang ba kopana le bona tseleng ebe ba qetella le ho bua ba sa khone ho bua. A re ba tlo fana ka tšehetso ho mokhatlo ona, 'me hoo ho tla thusa hore ha ba tsamaisana leeto 'moho litokelo tsa batho ba nang le bokooa li eelloe le hore lentsoe la bona le tla ba toma.

Mookameli oa Lekhotla la ba nang le Bokooa Nkhasi Sefuthi o thoholelitse mokhatlo ona ka le reng o tlo matlafatsa lentsoe la bona ebe ba tseba ho shebela litaba 'moho ho thusa hore qetellong e le batho ba nang le bokooa ba phele ka bolokolohi. A re lekhotla leo le se le qalile tšebet-

so 'me morero o moholo oa lona ke ho matlafatsa litaba tsa melao, litokelo le ho bona hore batho ba nang le bokooa ba kenyelletsoa liqetong tse kholo.

O re ba boetse ba tlo sebetsana le boiketlo ba batho ba nang le bokooa le ho bona hore ho etsoa boithuto ka mekhoha e fapakaneng ka litaba tsa batho ba nang le bokooa. Thakholo ea mokhatlo e ne e kenyetsa ketekelo ea Letsatsi la Machaba le hloailoeng e le la ho kete-ka litokelo tsa batho ba nang le bokooa ba pono le kutlo, ka la 27 Phupjane monongoaha. Ha Lesotho le ketekilo ka la 1 Phupu monongoaha tlasa mooho o reng "tso-ara ea nang le bokooa ka puisano ka tšebeliso ea puo ea matsoho."



Problems are life lessons



Teboho Matjeka
63574502/58911803

We are naturally wired to avoid any form of a challenge in our lives and we think living a problem-free life is ideal. We think or believe when we don't go through any hustle is because we have gained favour of some sort. The truth of the matter is, discomfort and problems are the only things guaranteed to bring growth in life. The most valuable life lessons happen in misfortune, therefore, we shouldn't fear misfortune, rather we should cherish them for our growth and development. When we go through trouble of some sort we learn so much about ourselves, without certain

challenges we have gone through in life we wouldn't be aware of certain things about ourselves. The school of knowledge gained from having troubles is valuable, therefore, we can conclusively say that we really need problems to know ourselves.

Tseba boemo

ba hau u

alafshoe



LDF e hopola ba oeleng moleng oa ntoa



Nthabeleng Seithleko

Sesole sa Lesotho se hopola bahale bohle ba ileng ba oela moleng oa ntoa mekhahlelong e fapakaneng ea sona. Ketekelelo ena e tsoaroa selemo le selemo kamor'a ho emisoa ha Mokete o Moholo oa Letsatsi la Sesole

o bang ka la 30 Phupjane. Litaba tsena li tiisitsoe ke Mookameli Lefapheng la Likhokahanyo tsa Sechaba le Sesole, Colonel Sakeng Lekola puisanong le Koranta ka la 2 Phupu monongoaha. O itse ka lebaka la tlhokahalo ea lichelete hobane mosebetsi oo o hloka chelete e ngata ebile ke nako ea Mariha kaha bana ba

khahloa ke lipontšo tsa Sesole, le ho fa batho bohle monyetla oa ho boha litaba tseo tsa letsatsi la sesole ekare mokete o ka etsoa Hlabula. Ho latela nalane ka la 30 Phupjane 1964 e ne e le ha sesole se theoa se ntšoa kahar'a Sepolesa sa Lesotho e le Lesotho Paramilitary Force (LPF) se etsoa ka molao, tlasa molaoli oa mehleng ebile oa pele Major General Justine Metsing Lekhanya. Ka selemo sa 1986 sa reoa Royal Lesotho Defence Force, 'me ka molao oa Paramente oa Sesole sa Lesotho (4) 1996 ea fetola lebitso ea ba Lesotho Defence Force. O re ba ne ba hopola batho bohle ba sebelitseng kahar'a sesole ho tloha se theoa e se fela ba boloketsoeng kahar'a sebaka sa khutsong empa ba boloketsoeng hohle moo ba teng. A re ke taba-tabelo ea Bolaoli ba Sesole hore bahale bao ba lule ba hopoloe.

Ketekelong ena ka la 30 Phupjane monongoaha, Molaoli oa Sesole sa Lesotho, Leut. Gen. Mojalefa Letsoela o thoholelitse seabo seo bahale ba Sesole sa Lesotho ba bileng le sona kanetsong ea khotso ea naha ena. O re lehoja khotso ea Lesole e le ho sireletsa khotso ea naha, kamehla ha Lesole le timele lefu la lona e ba sehlabi pelong ea hae. A re o na le morero oa ho kenyeletsa sehopotso sa bahale ba oeleng moleng oa ntoa molaong o tsamaisang sesole kaha ho bonahala tšehetso e le e kikitleng. O re ba hloka tšehetso e le hore mokete ona o tsejoe ke sechaba, hobane litaba tsena li lokela ho tšehetsoa ka hohle. O bile a khothaletsa masole hore a late masapo a masole a phomolitsoeng Katse hore a tl'o phomotsoa setšeng sa bafu sa khutsong. Maj. Gen. 'Matumelo Ramoqopo o hlalositse hore letsatsi lena le ne le tšoaouoe e le la sesole

empa ba khethile ho hopola bahale ba Sesole sa Lesotho ka lona, 'me ba na ke mekhahlelo e fapakaneng ea masole amehileng, ka bonngoe le ka bongata. A re ba hopola ketsahalo ea haufinyane ea Masole a neng a il'o e hlakana Naheng ea Mozambique a neng a eme tlasa folakha ea SADC, hape ba hopola le a tsoileng ka bophara ba naha ba ntseng ba etsa mosebetsi oa bona ka boitelo le bokhabane. E mong oa ba bileng moketeng ona, Sekhoane Motseki o re o ithutile hore masole a oeleng moleng oa ntoa e fela e le bahale nalaneng ea naha. O re h'a ntse a hola h'a bona seaparo sa sesole o ne a tleloa ke khalefo hobane motsoali oa hae o ile a fel-la feela, empa ha ho baloa tsamaiso ea sesole o'a utloa hore na eo o kene moo a ikanela eng. Ka lebaka lena o itse ha eba e fela bao e le bahale na ba teng bahale ba ke keng ba hopoloe na?

Ntsukunyane o nanabetsa letsoho

le ho leboha Monghali Ntsukunyane ka mosebetsi

Tšeliso Thakholi

Mothahi e bile e le motsamaisi oa Kampani ea Biker Boys, Monghali Pitso Ntsukunyane o nehelane ka bokhothokhotho ba chelete e kalo ka M20,000.00 le

lena, basebetsi, bana le maqheku. O itse kamor'a tšehetso e kholo ea lithapelo tseo ba ileng ba mo etsetsa tsona, o ile a atleha ho tsoa liqholotsong tseo a neng a tobane le tsona nakong ea ho feta, 'me a iphumana a tlameha hore a khutle a tl'o leboha bohle ba ileng



likobo tsa mariha, ho bana ba likhutsana le maqheku tšebeletsong e bileng lehaeng la maqheku la Re-itumetse Church Project, Ha Lekhobanyane ka la 28 Phupjane 2025. H'a nehelana ka thepa ena Monghali Pitso Ntsukunyane o itse sepheo se seholo sa hae ka morero ona o moholo oa ho phallela bana ba likhutsana ba tlokotsing le lehaae lena la maqheku, ke ho khutlisetsa sechabeng kaha a le seo a leng sona kajeno ke tšehetso e matla ea lithapelo tsa bona, tseo a ntseng a li fumana ho tsoa ho baitlaimi ba lehae

ba mo tšehetsa ka lithapelo. A ba kopa ho tsoelapele ho mo rapella. A qetella ka hore joalokaha a se a le teng ho etsa letsoho la monna, o se a tla lula a ba hloela e le ho ntšetsapele morero oa hae o motle oa ho fana. Motsamaisi oa Lehae lena, Sr. Sylvia Jone h'a amohela baeti le ho leboha limpho tseo ba li fuoeng, o itse sena ke tlatsetso e kholo ho thusa bana ba tlokotsing le maqheku. A leboha tšehetso ena eo a e hlalositse e le ketso ea lerato le kutloelo-bohloko. A lakaletsa mofani katleho le mahlohonolo le ho mo




tšepisa hore ba tla tsoela pele ho mo tšehetsa ka lithapelo, e le hore Morena Molimo a tle a 'ne a mo fe matla a ho hlola liqholotso tseo a tla kopana le tsona le ho mo ekeletsa ha lek-

holo. Lebitsong la bana le maqheku, mookameli oa mehleng oa Sekolo sa St. Bernadette ea seng a le phomolong, Sr. Crescentia Mosito o thoholelitse

si o babatsehang oo a o entseng. A re ka lebaka la mosebetsi oa hae o moholo ke motho ea tsebang ho iphana molemong oa batho ba bang. A re joalokaha e le e mong oa barutoana ba hae ba mehleng, o tsamaea mehlaleng ea Mother Mary Rose ea neng a tseba ho iphana ho batho ba bang. A re Mother Mary Rose o ne a tseba ho tela bophelo ba hae molemong oa batho ba bang. "Ke ngoana oa 'm'e Mary Rose enoa, 'me ke mo kopela ho eena lithapelo le bonolo bo tsoanang le ba 'm'e Mary Rose, a 'ne a bo ntšetsepele e le hore a tle a tsebe ho thusa ba bang ba litsietsing." A rialo a bile a phethela ka ho mo kopa hore a se khaotse ho thusa ba hlokaeng.






MoB KIDDS

EDUTAINMENT

Puzzle MoB 93-4592




- Across**
4 Baroetsana bao ho ka khethoang ho bona ha mohlakana a nyala. (9)
6 “Ke kopa hore le ’nyalise.” Mohlanka oa Mosotho. (10)
7 Ke motho eo ho nyallanoeng le eena (8)
11 Ha ho qaloa ho hlahlela bohali, ramohlankana o fana pele ka likhomo tsa (10)
12 Karolo ea ea Khomo ea Tlhabiso e kopanyang banyalani lenyalong la Sesotho. (6)
13 Ntlo ea banyalani ba bacha. (7)
14 Mofuta oa linaleli. (14)
17 Linku tse leshome tsa bohali. Linku tsa(7)
- 10 Khomo e beheletsang ngoana ea koptjoang a le monyenyanane lilemong. (9)
15 Khomo ea tlhabiso. (6)
16 Joala bo nooang hang ha likhomo tsa bohali li qeta ho tsoa sakeng. (4)

- Down**
1 Thato ha e thathalletsoe” Qetela (Maele a hlahellang nakong ea methati ea ho nyala. (4)
2 “Ha lea tlala, le” (6)
3 Khongoana e fanoang ke leqosa le kopang mohope oa metsi. Ke oa ramohlankana. (4-6)
5 Khomo e fuoang lingoetsi tse felehelitseng ngoetsi e ncha (7)
8 Sephaka se setona kapa se setšehali nameng ea khomo ea tlhabiso. (4-2-5)
9 Pere e tsamaeang le likhomo tsa bohali. (8)

THAROLLO

MoB 93-4591





TSA KEREKE

Young Oblates e'a itlhahloba



Tšeliso Thakholi

Litho tsa Kopano ea Maoblata a lilemo li ka tlaase ho tse tšeletseng e le baitlami le baprista, ba tsejoang ka lebitso la Young Oblates ba bile ‘mokeng oa selemo le selemo oa matsatsi a mararo, Setsing sa Liboka sa Maoblata Mazenod, ka morero oa ho itlhahloba le ho itokisetša leeto la ho ea sebokeng se seholo se tlang ho tšoareloa Naheng ea Namibia ka la 25 Loetse ho isa la 5 Mphalane 2025.

Puisanong le Molula-Setulo oa Young Oblates, Fr. Paul Bohloa OMI o boletse hore ‘moka oa bona oa monongoa-ha o ne o hlile o reretsoe ho itlhophela ‘moka o moholo oa Young Oblates ba Tikoloho ea Afrika e ka Boroa o tlii’o ba Namibia. A re litho tse neng li kenetse ‘moka ona li bile 18 ka kakaretso, le hoja ba bang ba ne ba o kene ka tšebeliso ea marang-rang.

O supile hore boitokisong ba bona ba ile ba hlahlelloa ka malebela ke Fr. Clement Semethe OMI ea ileng a ba fa thuto mabapi le koetliso ea mathomo, ha ba ntse ba le likolong ho itokisetša pitso ea bona ea Bopristsa bo Halalelang hore ke eona e bopang motho hore na e tla ba moprista oa mofuta ofe. A re o ile a ba hlokomeli-



sa hore haele Maoblata thabo le kholo ea bona ba ke ke ba e fumana kantele empa kahare ho Kopano ea bona. A ba khotatša le ho ba khotatšetsa hore ba lokela ho lula e le baprista ba thabileng kamehla le ho thabela sebaka seo ba leng ho sona.

Fr. Bohloa a boetse a bontša moeti e mong oa bohlokoa e bile Dr. Augustinus Khoabane eo eena a ileng a ba hlahlella ka mekhoha ea ho ipaballa le ho itlhokomela ho qoba mafu a ka ba hlahelang. A re o ile a ba khotatšetsa ho lula ba ntse ba ea ngakeng kamehla e seng feela ha ba se ba kula kaha sena se ka ba thusa molemong oa bophelo bo botle.

A re ba ile ba phethela ‘moka ona oa bona ka ho nka leeto ho leba Ha ‘Ma-Jesu, tikolohong ea Roma ho ea okha matla ka ho ea hata mehlaleng ea Fr. Joseph Gerard ea Lehlohonolo eo e leng moapostola oa pele oa Basotho oa Kopano ea Maoblata a Maria ea se nang Sekoli. A re ba boetse ba etela Oblate Scholasticate ka Lefapheng la Polokelo ea Nalane ea Khale moo ba ileng ba ithuta lintho tse ngata tsa bohlokoa le ho etela St. Michaels moo Fr. Gerard ea Lehlohonolo a tlalehoang a ne a atisa ho rapella teng h’a le maetong kapa a feta St. Michaels.

Ho sa le joalo, bakriste ba Parish ea Maria Mofumahali

oa Lefatše ba ketekile ‘moho le Baitlami ba likopano tse fapakaneng, mokete o moholo oa Petrose le Paulosi ba Halalelang o bileng ka Sontaha se tsoa feta. Khotatsong ea hae moketeng on, Fr. Stephen Molefi OMI o hlalositse hore Saole kamor’a hore a bone Jesu, ho lumela ho eena, ho ba morutuo oa hae le ho ruta seo Jesu a neng a se ruta o ile a fetoha, ‘me lebitso la hae ea e-ba Paulosi. Ka mokhoa o tšoanang a re Petrose le eena kamor’a hore a bue ‘nete hore na hantle Jesu ke mang, o ile a bitsoa Petrose Letlapa, “me holima lona ke tla aha Kereke ea ka ‘me likhoro tsa lihele li ke ke tsa e hlola.”

O boletse hore Petrose kamora ho bitsoa Lefika ke eena molisa ea molemo eo Kereke ea Morena Molimo e ka Lefatše Lohle e ahiloeng holima lona. Ka hona o ile a tlotlisa Morena Molimo ka lefu la hae ka ho tharisoa sefapanong hlooho e shebile tlase maoto a shebile holimo. A re Paulosi ka lebaka la ho ruta thuto eo batho ba neng ba sa e rate le ho e utloisisa, eena o ile a ahloleloa lefu ka ho khaoloa molala ka sabole, ‘me hlooho ea hae e ile ea qhoma ka makhetho a mararo moo e ileng ea otlala teng ho ile ha tsoa metsi, ha ‘mele oa hae o ile oa oela kantele ho marako a Rome moo ho ileng ha ahoa Kereke ea Petrose ea Basilica.

Fr. Molefi o tsoetsepele ho bontša hore joaloka Petrose le Paulosi ba Halalelang re fetohile, re entsoe bana ba Molimo ka Sakramente ea Tlhatsuo, ‘me re ke ke ra tšoana le pele re e-ba libopuo tse ncha ka Tlhatsuo. A hlokomelisa bakriste hore ke nako ea hore re batle ho tseba hore na Kriste ke mang ka ho ba lipaki tsa hae, ka mekhoha ea rona, metsamao, lipuo, mesebetsi le tsohle tse ntle tseo re ka li etsang.

2024-2025 SELEMO C

Sontaha sa 14 har’a selemo



Isaia 66:10-14

Pesalema 65

Ba-Galata 6:14-18

Luka 10:1-12.17-20



Khothatso

Molaetsa oa pholoho o lokela bohle

Kajeno Lentsoe la Molimo le memela bohle ho boela re hlokomela borumuoa boo tumelo ea Sekriste e leng bona, e leng tumelo e sa tlamelloang ‘nqa e le ‘ngoe, e sa felleng sebakeng se le seng, e sa lokelang motho a le mong ea itseng kapa moetlo empa e le ea bohle lefatšeng ka bophara. Molaetsa oa pholoho ha o khethe nku ka pere.

Morena Jesu ka ho roma barutuo oa ba 72 Evangeling kajeno o re ruta hore mosebetsi oa ho phatlalatsa Molaetsa o Molimo ke oa bohle e se ba khethiloeng. Kaofela re bilelitsoe ho ba lipaki, ho phatlalatsa Evangeli ka lipolelo, liketso le lerato. Tumelo ea rona ha se ntho eo motho a ka ikoallang ka eona empa ke khanya e bonesang litsela tsa ba bang.

Borumuoa bona bo hloka tumelo, sebete, boikokobetso le ho hlokomela hore re lisebelisoa tsa khotso ea Morena Molimo. Joaloka basebetsi tšimong ea Morena ea morara, re phatlalatsa hore ‘Muso oa Morena o so le haufi, e leng memo ho libopuo tsohle ho fumana ka lipelong tsa tsona lerato, mohau le pholoho ea Hae.

Maemong a seng bonolo a tletseng liqholotso tse ka behang bophelo tsietse, Morena Jesu o roma barutuo oa hae ba 72 “joaloka likonyana har’a liphiri” (temana ea 3) ho phatlalatsa molaetsa oa Hae oa khotso. Hona ke sehopotso sa hore le Moshe nakong eo a imetsoeng ke mosebetsi o ile a khetha baholo ba 72 ho mo thusa. Bathusi bana ba Kriste re ke ke ra ba bitsa babishopo kapa balumeli, empa ho sa khathalle maemo a bona ba ne ba lokela ho phatlalatsa Molaetsa oa litaba tse Molemo.

Molaetsa o ne o se bonolo hobane o bolela hore Jesu h’a tliša monate lefatšeng, le rona re lokela ho bontša teboho ka pholoho eo a re phositseng ka eona ka ho phetha boikarabello ba rona. Le hoja rona re ke ke ra fana ka tharollo ea kapele, empa Molaetsa oa Kriste o ka fana ka khotso. Kriste o ruta hore haeba lefatše le batla khotso liphiri li lokela ho etsa sehlabelo, ba tlose matla hore ho be le tšepo, ba tlohele bolotsana molemong oa bonngoe ebe ba emisa ho khala ‘me kaofela bohle ba arolelane. Tseo tsohle ha se tseo ba ka li etsang ka hona molaetsa ona o’a ba halefisa. Phatlalatso ea Evangeli ha e khethe mohlobo, puo kapa moetlo, empa ha tumelo e pheloa ka lerato, botho le bosebeletsi e ba bohlokoa ho feta mantsoe a se nang lipolelo. Joalokaha Kriste a ile a roma bao le rona kajeno re fuoa molaetsa o tšoanang, lehoja re sa rongoe hole koana. Thomo ea rona e haufi mona, ho metsoalle ea rona, balekaneng ba rona, baneng ba rona le baahisaneng.

Ha re etseng sena e le thomo ea rona: ho ba mabone a bonesang lefifi, ho etsa bonnete ba hore lelakabe la rona la tumelo le khanya ka lipolelo le liketso tsa rona, ebe qetellong re ba le tumelo ea hore lerato la Morena Molimo ke la bohle. ‘Muso oa Morena ruri o se o le haufi hore mang le mang a o amohele.

Bahalaleli har’a Beke

7	Phupu	Eoban
8	Phupu	Grimbald
9	Phupu	Zeno
10	Phupu	Etto
11	Phupu	Olga
12	Phupu	Jason

Beavers e tšoara litlholisano

Tšeliso Thakholi

Sehlopha se ithlom-meng pele Liking e Kholo ea Econet Rugby League sa Mabote Beavers, se hlophisitse litlholisano tsa lehae tsa libapali tsohle tse kileng tsa bapalla Mabote Beavers, ka morero oa ho tla phura leshoetla ‘moho le ho hopola ka hlomphe e kholo libapali tsa bona tsa sehlopha sa banana, tse neng li timele kotsing ea kolo ka selemo sa 2013. Litlholisano tsena li tlii’o tšoareloa Mabaleng a Lipapali a Ha Mabote, Maseru ka la 4 ho isa la 5 Phupu 2025.

Ho ea ka mothehi e bile e le mokoetlisi oa Sehlopha sa Mabote Beavers, Monghali Letsielo Mabitse libapali tse-na tseo ba li memmeng ho kenela litlholisano, ba bang ba bona e se e le baetapele le bakoetlisi lihlopheng tsohle tsa papali ea rugby kahar’a naha, ha ba bang ba se ba e-na le lihlopha tsa bona. “E hlile ba se ba lebanya thebe le mokoetlisi e moholo oa Mabote Beavers, e leng ‘na.” A rialo.

A re lihlopha tse tlii’o bapala mafelong ana a beke li kenyeletsa sehlopha sa

Mabote Beavers sa mekaubere, sehlopha se nt-seng se li hula pele Lokong hajoale, lihlopha tsa U/15, U/16, U/18 tsa bashanya-na le banana, sehlopha sa khale sa banana le se nt-seng se bapala liki hajoale. A re o mong oa merero ea ho mema libapali, baetapele le bakoetlisi ba lihlopha tsa rugby ba kileng ba bapalla Mabote Beavers ke hore ba

ke ba kopane ‘moho ho het-la morao, e le ho hopotsa-na litsela tsa khale tseo ba ileng ba li tsamaea.

“Rona re le batho ba hlahang sehlopheng sa Mabote Beavers re lelapa, ‘me re batla re ke re tlii’o tla lula fatše ho shebisana hore na sehlopha se ntse se tsamaea joang ho tloha ka selemo sa 2013 ho fihlela hajoale, liqholotso le likat-

leho tseo se li fihletseng le hore na ha ba se ba shebeletse ba le thoko mane, ba ka fana ka boeletsi bofe molemong oa ho holisa sehlopha.” O boletse joalo a bile a eketsa ka hore boholo ba libapali tsa Mabote Beavers ha se batho ba sebet-sang.

A re ba boetse ba tlii’o buisana hore na ba ka tla ka maano afe, ao e le sehlo-

pha ba ka tsebang ho fenya tlhokahalo ea mesebetsi. A qetella ka hore ka lea-no la bona la ho ruta bana bohle ba bapallang Mabote Beavers, ba nang le talenta ea papali ea rugby ba tlii’o shebisana hore na bana ba bang ba ntse ba e-na le menyetla ea ho kena seko-lo, ba ka thusoa joang ke sehlopha ho ba lefella se-kolong.



Li ipeha ‘mapeng

Tšeliso Thakholi

E mong oa bakoetlisi e bile e le mohlophisi oa lipapali tsa Winter Charity Tournament, Monghali Maumo Sentšo o re tse ling tsa libapali tse ntseng li bapala litlholisano tsa Mo-hope oa Winter Charity, tse

seng li kene bekeng ea bo-raro li ntse li tsoelapele ka makhethe a maholo, li ka ‘na tsa iphumana li bapalla lihlopha tse kholo tsa A Division kapa tsa Premier League. “Ho na le bakoetlisi ba lihlopha tse kholo ba ntseng ba beile leihlo libapali tse ntseng li bapala lipapaling tsena.”

O boletse hore o motlot-

lo haholo ke lipapali tsena kaha li phutha bacha ho ba bokelletsa nqa e le ‘ngoe nakong ena ea phomolo e telele ea Mariha. O re li boetse li thusa bakoetlisi ba lihlopha tse kholo ho tla etsa khetho ea libapali tseo ba ka khahloang ke tsona ho ea bapalla lihlopha tsa bona. A bontša hore litlholisano tsena li behile libapali tsa

tikoloho ena ‘mapeng, ‘me bakoetlisi ba monyetleng o motle oa ho etsa khetho ea bona.

A supa hore leha lihlopheng tseng ling ho ntse ho e-na le libapali tse bapallang lihlopha tse kholo, boholo ba libapali tse teng tse ntseng li bapala ha bo e-s’o be le lihlopha tseo bo li bapallang. Athe ba bang ba tsoa lihlopheng tse nyenyane tsa Mokhahlelo oa B Division. A re papali e bapaloang ke ea boemo bo holimo haholo

bo bontšang boiphilelo bo boholo ba papali ea bolo ea maoto.

Le ha lipapali tsena e le tsa boemo bo holimo, o re qholotso e kholo ke tlhokahalo ea botšehetsi e le hore li tle li tsebe ho hola. A re le ha a khotsofetse haholo ke tsela eo libapali li ntseng li bapala ka teng, o se a kopa bafani le batho bohle ba boithatelo bo botle ho etsa letsoho la monna.

E mong oa bakoetlisi Monghali Teboho Phiri eo e saleng a boha lipapali tsena ho tloha ha li qala o boletse hore tsela eo libapali li ntse li bapala hantle ka teng, ke mohlala o totobetseng oa hore talenta e teng kahar’a Lebatooa la Koro-Koro, ‘me e lokeloa ho betloa ho tloha lilemong tse tlaase. “Ka nako e telele e sale lipapali tsena li sa tsoele libapali molemo. Kajeno re teng re le bakoetlisi ba fapakaneng ho tla boha lipapali tsena e le ho tla holisa litalenta tsa bahlankana.” O boletse joalo a bile a eketsa ka hore qholotso e kholo ke tlhokahalo ea botšehetsi ho holisa le ho matlafatsa litlholisano tsena. A thoholetsa bohlophisi ba tsona le ho ba kopa hore ba tsoelepele ka matla a maholo, ho holisa bolo ea tikoloho ea Mazenod.



Bantu e'a ikatela

Tšeliso Thakholi

Sehlopha sa Bolo ea Maoto sa Bantu 'A Matšo Matebele' sa Setereke sa Mafeteng, se ikemiselitseng monongoa-ha ho tla sebetsa hantle lipapaling tsa Liki e Kholo ea selemo se secha, se hlahisitse libapali tse ncha tse leshome ho tlatsetsa sehlopha sebakeng sa ho tla qala lipapali tsa Liki tse tlang ho qala ka la 13 Loe-tse 2025.

Libapali tsena li ile tsa hlahisoa ke botsamaisi ba sehlopha 'mokeng oa baphatlalatsi ba litaba tsa lipapali o bileng Golden Hotel, Mafeteng ka la 1 Phupu monongoaha. Boholo ba libapali tsena li sa le nyenyane haholo li-lemong. Leha ho le joalo Bantu e se ntse e e-na le motsoako oa ba seng ba tiile ho tla thusa ba bacha ho hapela sehlopha lipa-pali tsa sona tsa isao.

Libapali tsena tseo bo-holo ba tsona li bapalang mekhahlelong e fapa-kaneng kahare ho lebala e kenyeletsang sethibathi-bane, moleng o kamorao, mola o hare, mola o kapele

ke libapali tse kang Motse Khiba le Katiso Thamae ho hlaha sehlopheng sa Matlama, Lintle Chocholo ho tsoa sehlopheng sa Li-

sehlopha sa Bantu se qetelletse se atlehile ho tekana Kananelo Rapu-leng le Katleho Rapuleng. Athe sebakali seo Bantu

Libapali tse lokolotso-eng le tse khethileng ho tsamaea sehlopheng ke Litšepe Marabe, Hlompho Kalake, Ntsane Lichaba ea bapalletseng sehlopha sa Bantu nako ea lilemo tse robong e le sethi-bathibane. Libapali tsena

liki ka tatellano. Ho sa le joalo botsamai-si ba sehlopha sa LCS 'Masheshena' bo ncha-falelitse mokoetlisi oa se-hlopha Leslie Notši kon-teraka ka nako ea selemo. Sa boela sa lumellana le mokoetlisi ho tsoelapele



nare, Halejoetsoe Cheset-si le Thabiso Posa ho tsoa ho Machokha.

Haele sehlopheng se neng se sa tsoa kena li-hlopheng tse kholo tsa Premier League ngoa-hola e leng sa Majantja,

e se tekenneng ke Tšep-iso Rapotsane ho tsoa ho Linare. Haele tse hlahang kantle ho naha ke Motlo-melo Mkwanazi ho tsoa sehlopheng sa Kruger United le Tumeliso Ratšiu ho tsoa ho Grotta.

kaofela tse tlii'o matlafat-sa sehlopha sa Bantu li tliilo ba tlasa bokoetlisi bo matla ba Monghali Moth-eo Mohapi, ho tsoa sehlo-pheng sa Lioli moo tlasa bokoetlisi ba hae a ileng a hapa mehope e 'meli ea

ho sebetsa le Makalo Mehlala, Moshe Lephoto e le motlatsi oa mokoet-lisi, Sam Ketsekile e le mokoetlisi oa lithibathi-bane ha Tšepo Hlojeng a tla sebetsa e le moeletsi oa bakoetlisi ba sehlopha.

Vodacom e tlotla ba ipabotseng

Tšeliso Thakholi

Kampani e tše-hetsang Liki e Kholo ea Bolo ea Maoto, e leng Vodacom e phethetse sele-mo se fetileng sa lipapali ka mokete o moholo oa ho tlotla libapali tse ipabotseng tsa selemo sa 2024/2025 sa liki ea bolo ea maoto me-khahlelong e fapakaneng. Mokete ona o bile Victory Hall, Maseru mafelong a beke a tsoa feta.

Mokete ona o neng o tše-helitsoe ke Kampani ea Vo-

dacom joalokaha o tloaele-hile ka lebitso la Vodacom Premier League Awards, o fane joalo ka meputso e fapakaneng mekhahlelong e leshome e leng oa mo-letsa-phala oa selemo, mothusi oa hae, sebakali se senyenyane sa selemo, mokoetlisi oa selemo, se-bakali sa selemo se thont-soeng ke libapali tse ling, sethibathibane sa selemo, mohlaba-lintlha oa selemo, sebakali sa selemo, 'mapa-la-morao oa selemo le se-bakali se bapalang mpeng sa selemo.

Lothong e ileng ea etsoa Monghali Moeketsi Ntoa e bile eena moletsa-phala ea ileng a ipabola le mo-thusi oa moletsa-phala e leng Monghali Tšepo Ma-jara bao bobeli ba ileng ba ikhapela mohope le li-mentlele tsa khauta. Ha sebakali se senyenyane sa selemo ebile Leluma Mofoka oa sehlopha sa Matlama ka M9,000.00, mokoetli-si ea eba Motheo Mohapi ea seng a le sehlopheng sa Bantu ka M12,000.00 'me sebakali sa selemo se thontsoeng ke libapali tse ling ea eba Sihle Maso oa Lioli ka M12,000.00.

Haele mohlaba-lintlha ea eba Makara Ntaitsane ho tsoa sehlopheng sa LCS 'Masheshena' ka ho hlaba lintlha tse 19 ka selemo a fumana M13,500.00, se-bakali sa selemo ea eba Sihle Maso hape ho tsoa sehlopheng sa Lioli ka M15,000.00, 'mapala morao ea eba Mphale Mphalaole oa Lioli ka M9,000.00 le Chale Hlalele oa Matlama ka hoba sebakali se hloahloa se ba-palang mpeng ea lebala ka M9,000.00.

Ka thoko ho likhau tse ileng tsa fanoa ke Vodacom, ho boetse ha eba le likhau tse neng li hlophisitsoe ke

Komiti e Tsamaisang Liki e Kholo(PLMC) tse bitsoang Chairman's Awards tseo tsona li ileng tsa abeloa motšehetsi a le mong ho tsoa lihlopheng tsa Matla-ma, Linare le Majantja ea bonahalang kamehla a eba teng lipapaling ho tšehetsa sehlopha sa habo ha se ba-pala. Ho feta mona mophat-lalatsi ea hloahloa oa lipa-pali Tebalo 'Banjos' Lebajoa le eena o ile a fuoa khau. Kamorao ho mona boeme-li ba sehlopha sa Lioli eo e leng eona bompoli ba Liki e Kholo ea Vodacom lilemo tse peli tse latellanang bo ile ba amohela ka molao se-

jana sa khauta ho tsoa ho moifo oa Vodacom.

Phala ea PLMC Mongh-



LHDA le SUN JV li tsikinyetsa sechaba



Nthabeleng Seithheko

Morero oa Metsi a Lihlaba tsa Lesotho (LHDA) ka Kamphani ea Sun JV li tlisitse pososelo ho sechaba sa Setereke sa Mokhotlong le ho mekonteraka e sebetsang Khahong ea Letamo la Polihali ka ho ba khahlametsa ka litšebeliso tsa bophelo, ka ho tlisa sehlopha sa lingaka tsa China Medical Team, ho hlahloba mafu a fapakaneng le ho ba fa lithhare. Litaba tsena li bile Mokhotlong ka la 3 Phupu monongoaha. LHDA e re mosebetsi ona o thusa haholo kanetsoeng ea ntlafatso ea phano ea litšebeliso kahar'a sechaba le ntlafalo ea phano

ea thuto. E re e ba thusa ho aha likamano tse ntle le sechaba hobane ba sebetsa le sona mekhahlelong ea sona e fapakaneng, ka lebaka leo ba rata ho bona se phelang se phela bophelo bo botle. Ho feta mona e re ke taba-tabelo ea eona ho bona mekonteraka eohle e phela hantle. Mosebetsi ona o tsoaroang selemo le selemo o thusa ntlafalong ea bophelo bo botle ba sechaba le khahlametso ea litšebeliso tsa bophelo ho sona hobane litsi tsa Bophelo li fumaneha hole, 'me bophelo bo botle ba sechaba ke ntlafalo e thusang kholong ea moruo. Mookameli oa sehlopha sa lingaka tse robong tse

tšebetsong ena, Wu Hui Wynn o hlalositse hore ke lekhatlo la boraro ba etsa tšebetso ea mofuta ona esale khaho ea Letamo e qalile, ebile ha ba sebetse teng fela kaha ba se ba ile ba etela libaka tse 'maloa kahar'a naha. A re ba ithutile hore bohlo ba Basotho ba na le bothata ba serame, mafu a sa phekoheheng joaloka tsoekere, phallo ea mali le ho lula ba lla ka bohloko ba maoto le a mang. A re ba ithutile hore Basotho ba tsamaea nako e telele le ho sebetsa libakeng tse batang, ha mafu a teng bohloko a bakoa ke ho ja lijo tse sa ntlafalang, tse mafura le ho se ikoele. O re kaha litaba tsa bophelo bo botle li ama kholo ea moruo ka hore

mebuso e sebelisa chelete e ngata ho oka mafu a joalo, o khothaletsa 'muso ho tsetela ka matla litabeng tsa bophelo bo botle le thuto ka litaba tsa phepo e nepahetseng. E mong oa baahi ba unengng molemo oa litšebeliso tsena selemo le selemo ha sehlopha sena se le teng, 'Mamoloja Polihali o itse o thabile ebile o lula a thabile hobane sehlopha seo se fana ka litšebeliso tsa boleng, tseo ba khutlang ho se khatello ea maikutlo papisong le litšebeliso tsa bophelo tse fanoang litsing tsa 'Muso. O re o bua sena hobane ha ba ile litsing ba lokela ho lula ba behile liphaka ka ntle hore ba tsebe ho hlahlojoa ha ho se joalo

motho o khutlela ka ntle. A re ho tloha moo ba phelang ba ea litsing tsa bophelo ba nka lihora tse peli ho isa ho tse tharo ha ba sa palama, empa hore ba fihle litsing tsa bophelo ba lokela ho lefa M150.00 eleng se etsang hore ba sitoe ho fihla ngakeng ka nako ka lebaka la tlhokahalo ea chelete. A re bo teng ba lingaka tsena ho fetotse bophelo ba bona hobane le batho ba kulang ba sa atleheng ho finyella litsing tsa Bophelo ba fumana lithhare. Ba ipiletsa ho bafani ho ba ahela setsi haufi le motse hore ba tsebe ho tšepahalla leeto la bona la lingaka. Mosebetsi ona o phethetsoe ka phano ea lijo tsa mefuta fapakaneng.

